

dil cavallo turco con zoie et perle assai, et il . . . d'oro con zoie, et uno horologio picolo che lavora senza fermar dentro, cosa bellissima, fatta per un'altra compagnia etc. Et par che da Ragusi in là Imbraim bassà ha ordinato uno schiavo l'acompagni per camin con bona scorta.

*A dì 2.* La matina. Intrò savio dil Consejo sier Alvise Mocenigo el cavalier; non fo alcuna lettera.

Fo expedito la comission de sier Gregorio Pizamano va proveditor zeneral in Dalmatia, in luogo di sier Zuan Diedo venirà a repatriar, et parte a dì . . .

Et in questa sera parte sier Hironimo Zane, va proveditor zeneral in Candia, et resterà poi capitano de Candia.

Da poi disnar fo Gran Consejo. Vene el Serenissimo. Fatto consier de San Marco, in luogo de sier Hironimo Loredan, a chi Dio perdoni, sier Tomà Mozenigo fo savio dil Consejo, di sier Lunardo procurator, fo dil Serenissimo, qual rimase de ballote . . . da sier Zuan Alvise Duodo fo Caò di X, ehe venè per scurtinio dal ditto sier Tomà de 2 ballote. *Item*, fu fatto proveditor de l'armada sier Hironimo da Canal, fo vice proveditor in armada, di sier Bernardin; avogador extraordinario, in luogo de sier Stefano Tiepolo, va proveditor zeneral in Cipro, sier Hironimo da chà da Pexaro, è di Pregadi, qu. sier Nicolò; et altre 6 voxe; ma Proveditor de Comun sier Zuan Agustin Pizamano ave 721-720, et detrata una ballota che 'l seuodè de più dil corpo del Consejo a quella pruova et non vien a passar, però non fo stridato rimaso.

1\* In questo zorno seguite cosa notanda: che nel capello de mezo fo cavà le ballote d'oro fuora, sichè restò 8 ballote d'ariento; et in li altri capelli restò 5 d'oro in uno et 4 in uno altro, che andorono un banco tutti a Dio, cosa mai più seguita in memoria de . . .

*Item*, se intese, questa note, Zuan Mussolin è a la Camera de imprestidi, de età d'anni . . . maridato in una fia fo de Francesco Trivixau dal lauto *nescio qua de causa, multi multa loquuntur*, era la donna di anni . . . , li dete 11 ferite et l'amazoe, casò molto horendo. Chi dice la trovò far mal, altri ehe l'era impazido; ma quello non fu vero, perchè era una donna da ben.

*Item*, hòzi a hore 21, Zuan Gueruzi gastaldo di Procuratori *de Citra*, qual era in li gabioni con guardie per haver tolto et di suo pugno con-

fessà, de danari di la Procuratia ducati . . . , *unde* fu prima per missier . . . et Consieri, poi per la Quarantia, preso che 'l fusse ben retenuto: hor scampoe con aiuto de uno suo fiol et alcuni altri che lo trasse per forza de man de guardiani, et fo vogato batendo nel monasterio di la Carità. Era di anni . . . saria morto in prexon, non havia da pagar, perchè tutto el suo è conditio-nato; poi è dote suso asegurade.

*Questo è il scurtinio de Provedador in armada.*

Sier Nicolò Donado fo capitano de le galie di Baruto, di sier Andrea, qu. sier Antonio el cavalier . . . . .	72.114
Sier Vincenzo Zen, qu. sier Tomado el cavalier . . . . .	19.173
Sier Francesco Contarini fo capitano de le galie de Barbaria, qu. sier Alvixe . . . . .	101. 87
† Sier Hironimo da Canal fo viceproveditor in armada, di sier Bernardin .	142. 49
Sier Andrea Marzello fo bailo a Gorfù, qu. sier Jacomo . . . . .	81.100
Sier Almorò Morexini fo capitano al Golfo, qu. sier Antonio . . . . .	93. 94
Sier Alvise Michiel fo consier, qu. sier Vetor . . . . .	48.141
Sier Vicenzo Justinian fo capitano de le galie bastardè, qu. sier Nicolò . .	72.127
Sier Nicolò Zorzi fo de la Zonta, qu. sier Antonio el cavalier . . . . .	62.139
Sier Alvise Da Riva fo provedador de Comun, qu. sier Bernardin . . . .	182. 61
Sier Zuan Antonio da chà Taiapiera fo capitano de la barza, qu. sier Bernardin. . . . .	49.144

*In Gran Consejo.*

*Proveditor de l'armada.*

† Sier Hironimo da Canal fo viceproveditor de l'armada, di sier Bernardin — triplo . . . . .	1270. 165
Sier Alvise Michiel fo consier, qu. sier Vetor. . . . .	367.1060
Sier Vicenzo Justinian fo capitano di le galie bastarde, qu. sier Nicolò. . . . .	482. 947